

Dyddiadau ffenestri mynegi diddordeb Hydref 2022

| Cynllun | Crynodeb | Dyddiadau ffenestri |
|-------------------------------|--|--------------------------------------|
| Llacio Rheolau Glastir | <p>Gall unrhyw ffermwr sy'n cael anhawster cwrdd â gofynion ei gcontract Glastir ofyn am lacio'r rheolau, gan ddefnyddio'i gyfrif RPW Ar-lein.</p> <p>Gellir gwneud cais i lacio'r rheolau ar unrhyw opsiwn o fewn contract Glastir ac ystyrir y ceisiadau fesul achos.</p> <p>Dylid darparu manylion yr opsiwn a rhif y cae, ynghyd â chymaint o wybodaeth â phosib ynghylch yr amgylchiadau sydd wedi arwain at y cais. Gall fod angen dogfennau ategol mewn rhai amgylchiadau, yn dibynnu ar natur y cais.</p> <p>FODD BYNNAG, fel mae pethau'n sefyll ar hyn o bryd, bydd yn rhaid fforffedu'r taliad perthnasol ar y parcel tir dan sylw.</p> | |
| Cynllun Cynllunio Creu Coetir | <p>Mae'r Cynllun Cynllunio Creu Coetir yn cynnig grantiau o rhwng £1000 a £5000 i ddatblygu cynlluniau i greu coetir newydd.</p> <p>Ar ôl i gynllun gael ei gymeradwyo gan Cyfoeth Naturiol Cymru mi fydd yn gymwys i dderbyn cyllid gan Lywodraeth Cymru i blannu coed.</p> <p>Mae gwybodaeth bellach ar gael yma: https://lyw.cymru/cynllun-cynllunio-creu-coetir</p> <p>Mae dyluniad y cynllun yn seiliedig ar y cynllun peilot a gynhaliwyd y llynedd. Bydd y cynllun ar agor trwy'r flwyddyn (yn amodol ar gyllideb), gyda cheisiadau'n cael eu dethol bob 6 wythnos.</p> <p>Bydd cyllid ar gyfer creu coetir ar gael o Awst 2022, gyda ffenestri'n agor bob 3 mis o hynny ymlaen (yn amodol ar gyllideb).</p> | Ar agor tan 31ain Rhagfyr 2022 |
| Datblygu Garddwriaeth | <p>Mae'r Cynllun Datblygu Garddwriaeth yn gynllun grant Cyfalaf sydd ar gael i gynhyrchwyr garddwriaethol masnachol presennol ledled Cymru. Nod y cynllun yw:</p> <ul style="list-style-type: none"> • Cynorthwyo cynhyrchwyr garddwriaethol masnachol presennol i ddatblygu eu busnesau drwy fuddsoddi mewn cyfarpar a thechnoleg newydd sy'n cynnig manteision clir a mesuradwy i'r busnes garddwriaethol. • Galluogi busnesau garddwriaethol i ehangu cynhyrchiant yn gynaliadwy, arallgyfeirio i dyfu cnydau newydd, gwella effeithlonrwydd cynhyrchu a gwella ansawdd y cynnyrch. • Galluogi cynhyrchwyr garddwriaethol i fynd i farchnadoedd newydd. Cynyddu cyflogaeth leol a chefnogi'r economi wledig fel rhan o'r adferiad gwyrdd o Covid-19. <p>Mae'r cynllun yn ddewisol. Byddai swm y grant a gynigir yn dibynnu ar amgylchiadau unigol a bydd pob swm yn isafswm angenrheidiol i ganiatáu i'r buddsoddiadau fynd rhagddynt. Mwy o wybodaeth: https://lyw.cymru/horcynllun-datblygu-garddwriaeth</p> | 5ed Rhagfyr 2022 – 10fed Mawrth 2023 |

| | | |
|---|---|---|
| <p>Tyfu er mwyn yr Amgylchedd (cnydau a heuir yn y gwanwyn)</p> | <p>Mae Tyfu er mwyn yr Amgylchedd yn gynllun grant sydd ar gael i bob ffermwr cymwys yng Nghymru. Mae'r cynllun yn cynnig cymorth i dyfu a defnyddio cnydau, all arwain at welliannau ym mherfformiad amgylcheddol busnes fferm.</p> <p>Amcanion y cynllun yw cynorthwyo ffermwyr i:</p> <ul style="list-style-type: none"> • Leihau allyriadau carbon a nwyon tŷ gwydr • Addasu i'r newid yn yr hinsawdd a gwneud busnesau fferm yn fwy cydnerth • Gwella ansawdd dŵr a lleihau'r perygl o lifogydd • Cyfrannu at y nod o wyrdroi'r dirywiad ym mioamrywiaeth gynhenid Cymru. <p>Mae cnydau a gweithgaredd sy'n cael cymorth drwy'r cynllun Tyfu er mwyn yr Amgylchedd wedi'u nodi ymlaen llaw fel rhai sy'n cynnig buddiannau clir a mesuradwy i'r amgylchedd a'r busnes fferm. Yr uchafswm grant a ddyfarnir yw £5,000.</p> <p>Mae'r isafswm grant a ddyfarnir yn cyfateb i'r gyfradd dalu ar gyfer 1 hectar o gnwd cymwys.</p> <p>Gall eich cais fod yn uwch na'r uchafswm grant. Os caiff eich mynegiant o ddiddordeb ei ddewis, bydd y cais dan sylw'n cael ei gapio i'r uchafswm o £5,000.</p> <p>Yr isafswm arwynebedd y gellir gwneud cais amdano yw 1ha o gnydau. Gall yr isafswm arwynebedd o 1ha gynnwys crynhoad o ardaloedd llai o fewn mwy nag un parcel tir, ar yr amod nad yw'r ardal dan sylw'n mynd yn llai nag 0.10ha o faint o fewn unrhyw barsel tir unigol. Gall ymgeiswyr rannu'r isafswm ardal o 1ha rhwng un neu ragor o barseli tir.</p> <p>Mae cyllideb o £1.3m wedi'i dyrannu ar gyfer y ffenestr ymgeisio hon.</p> <p>Mwy o wybodaeth:</p> <p>https://llyw.cymru/tyfu-er-mwyn-yr-amgylchedd</p> | <p>10fed Hydref – 18fed Tachwedd 2022</p> |
|---|---|---|

| | | |
|--|---|---|
| <p>Cynllun Arallgyfeirio Amaethyddol</p> | <p>Mae cyllideb o £1.5m wedi'i dyrannu ar gyfer y cyfnod ymgeisio hwn.</p> <p>Cynllun grant cyfalaf yw'r Cynllun Arallgyfeirio Amaethyddol, sydd ar gael i ffermwyr ym mhob rhan o Gymru. Amcanion y cynllun yw:</p> <ul style="list-style-type: none"> • Helpu i sefydlu mentrau arallgyfeirio amaethyddol hyfyw newydd ar ffermydd • Helpu i ddatblygu mentrau gwreiddiol neu arbenigol sy'n bod eisoes • Gwneud amaethyddiaeth Cymru yn fwy cydnerth trwy ddatblygu ffrydiau incwm amrywiol • Lleihau'r ddibyniaeth ar fentrau amaethyddol traddodiadol • Ymateb i gyfleoedd mewn marchnadoedd newydd a datblygu marchnadoedd newydd. <p>Bydd y cynllun yn darparu grantiau cyfalaf i helpu i sefydlu neu ddatblygu prosiectau arallgyfeirio amaethyddol, gan gynnwys tyfu cnydau gwahanol neu amgen, ychwanegu gwerth at gynnyrch neu sgil-gynnyrch nad yw'n fwyd, a mentrau da byw nad ydynt yn fentrau traddodiadol yng Nghymru, er enghraifft godro defaid neu eifr.</p> <p>Mwy o wybodaeth:</p> <p>https://llyw.cymru/cynllun-arallgyfeirio-amaethyddol</p> | <p>10fed Hydref 2022 – 13eg Ionawr 2023</p> |
|--|---|---|

PWYSIG

Ni fydd unrhyw estyniadau i'r dyddiadau cau ar gyfer hawlio unrhyw un o'r cynlluniau uchod oherwydd y cyfyngiadau ar ddyrannu cyllideb. O ganlyniad, mae Llywodraeth Cymru'n caniatáu i bobl archebu eitemau unwaith y byddant wedi derbyn cynnig o gontract, a chyn derbyn y contract.

Maent yn cynghori pobl i archebu, neu o leiaf i wneud ymholiadau yn ystod y cyfnod hwn i sicrhau bod eitemau'n cael eu dosbarthu mewn pryd neu'r gwaith yn cael ei gwblhau o fewn yr amserlen. Os na ellir gwneud hynny, a bod tystiolaeth ysgrifenedig yn cael ei darparu i gadarnhau'r rhesymau pam, gall ymgeiswyr dynnu'n ôl o'r cynllun ac ni fyddant yn cael eu heithrio o rowndiau yn y dyfodol.

Os byddant yn derbyn y contract ac yna'n methu â bodloni'r amodau o fewn yr amserlen berthnasol, mi allant gael eu heithrio o rowndiau'r cynllun yn y dyfodol.